

Cambio den Lotto pa garantisa su existencia

ORANJESTAD – Posicion huridico di cada trahado den Lotto pa Deporte ta garantisa. Desde aña 2009 gabinete Mike Eman a bisa bon cla cu nan ta bay laga Lotto haci su mesun negoshi. E negoshi principal di Lotto pa Deporte ta engrandece bendemento di loteria na Aruba y administra esaki mas miho cu ta posibel. Na final e placa cu resta pa deporte ta bay pa e Minister en-carga cu deporte. A base di esaki a tuma e decision cu Fundacion Lotto pa Deporte mes no mag di duna subsidio manera cu

esaki tabata e caso den pasado. Diferente club, organisacion deportivo, personanan individual tabata haya subsidio. No tabata tin reglanan stipula cu ta conta pa tur hende.

Continuacion pagina 5.

Segun Minister Mike de Meza

Mester haci cambio den Lotto pa Deporte pa garantiza su existencia

Continuacion di front

E decision a keda tuma cu e Minister responsabel pa maneho di deporte. E fin e reglanan stipula con un organizacion ta yega na subsidio. Esaki ta tuma luga cerca e comision di subsidio di deporte y ta e unico caminda cu subsidio por keda duna. Na final di dia ta e Minister ta esun cu tin su responsabilidad su mes na Parlamento y na pueblo di Aruba. Esaki tabata un di e motibonan cu Lotto pa Deporte no ta duna subsidio mas.

Un otro decision cu a keda tuma, ta cu fundacion Lotto pa Deporte su negoshi no ta construi proyecto. Tampoco maneha y mantene facilidatnan. Cu tempo ta bay pasa e trahadonan di Lotto cu ta destina na facilidatnan di deporte, ta bay traha na e fundacion cu ta bay percursa pa maneho y mantencion di facilidatnan. Den esaki a cuminsa un proceso. A papia cu e trahadonan y despues nan a haya representacion di TOPA. A sinta cu abogadoan y a yega momento pa e trahadonan di Lotto cu ta bay traha bou di u fundacion nobo pa maneho di facilidatnan deportivo ta bay resorta. Esaki ta manera cu e ley nobo ta stipula.

Den Parlamento ta tratando tambe e placanan cu mester keda aloca pa e trabounan aki. E ta bira den un forma di salario di explotacion pa e fundacionnan aki. Ta nifica cu ta bay pone un suma di 4.3 milyon florin pa mantene e facilidatnan. Si tuma durante e ultimo añanan e situacion di fundacion di otro ta bira cu cada aña mas dificil. E mantencion y maneho di facilidatnan no por a tuma luga. A bay ehecuto un cantidad di proyecto sin tene na cuenta e realidad di mantencion cu ta trece gasto cune. E relato nan anual di Lotto a keda cla. Dos compania a traha e rapport nan di aña 2007 pa 2010 pa asina haya e cifranan oficial. En e cifranan aki di aña 2007 Lotto a bin ta perde placa. Tambe pro a mira cu tabata tin un maneho deficiente den Lotto pa Deporte ora ta papia di e situacion financiero y e placa di e fundacion. Cu añanan esaki a bira piho. Na momento cu e gobierno nobo a drenta na a bin encontra nan mes cu diferente procedura cu no tabata corecto. A corig esakinan y a wak cu e situacion financiero di Lotto pa Deporte a bira delicado.

Lotto pa Deporte a bira den debenan grandi pa termina proyectonan y

tambe den e cashflow di Lotto e mester a saca placa pa cumpli cu e proyectonan cu tin rond. Ta mustra hopi cla cu tabata tin u maneho hopi deficiente den Lotto pa Deporte. Naturalmente tin contrincantenan politico cu ta haci desordo, pero e hecho ta cu tabata tin un maneho deficiente den Lotto pa Deporte. Cu e mesun cifranan di Lotto pa Deporte ta mustra esaki. Desde aña 2000 pa aña 2007 bin Ariba a mira cu e deficit financiero a cuminsa bin y na 2007 pa 2010 e deficit a sigui crece. A bin ta pone cosnan na ordo pa asina Lotto pa Deporte por funciona mas miho cu e tabata funcionando. □



Minister Mike de Meza